

四庫全書

集部

欽定四庫全書

集部
稿李詩繫卷二

詳校官侍講_臣王燕緒

主事銜_臣徐以坤覆勘

總校官進士_臣朱鈐

校對官編修_臣沈清藻

謄錄監生_臣李利仁

欽定四庫全書

鶴李詩繫卷二十八

平湖沈季友編

國朝

趙秀才汕

汕字天來號帆青平湖人韓之子性狷介不苟言
笑凡經史諸子窮日夜誦覽於詩無體不備春容
和雅刻意宗唐粵東學使者聞其名聘之抵署即

辭歸曰我欲遊羅浮散荔枝耳寧能作人幕客耶
年四十三抱志而沒有資真集度嶺言

聽王孫談孫駙馬舞劍歌

有引

王孫弟述厥祖司鐸高陽時赴孫駙馬宴駙馬少奉
命開幕薊門還賜第高陽年八十餘醉中拔雙劍起舞
意示據鞍竟以老廢後至崇禎庚辰卒於家迄今三十餘
載談次猶想見白髮跳丸態也宗人泂為作歌

主家山第宴仙客月華應讓酒星白花炙糲糴霜不流

味如蒲萄劇清冽嚼如甘露液無滓含如好女妃脣嚙
芳澤無定屬生香色態有質都不屑荔支之美乃至此
似予所見徒饒舌玉環慣愛走紅塵君謨好事殺青列
自非親見果子腹翻笑前人作口孽還憶故鄉當茲辰
賞心佳果滿園折雖有朱櫻與醉李一一方此味俱劣
人生若不食荔支枉用繁華住江浙作歌聊復傲竹枝
傳倡江頭助鼓枻為分餘潤及長年漫停邪許且三咽
更擬飽喫百千回蔗漿十斛重須設

羊城行

江口三板舸行行抵滇渤乘月掛長帆客程指南越南
越迴環大海波番禺兩岫爭嵯峨樓船自昔通楊僕左
蠡由來罷尉陀聞說炎荒多瘴癘古今翻覆仍佳麗大
道朱門卓鄭家康衢繡戶王侯第靖南已去平南留公
子嬌娥射獵遊百萬明珠調駿馬十千美酒弄瑩篋宮
中別館橫天半五層樓閣迎仙觀相傳舊是越王臺越
王當日曾朝漢五羊郭外島夷船進奉還將市舶連翡

翠文犀隨處有明珠琥珀不論錢大新街去濠畔落外
江賈客聲相錯廿年前是亂離人今日相逢成土著天
南幸已斬長鯨魯門烽息瓊厓清蒿丘難覓任囂壘落
日重過陸賈城海濱遷戶何從辨忍使磬磬集鴻雁極
目黎人蜚子愁昇平惟此猶遺患可憐粵女踏歌新乞
食還生滿路春素馨匝地香零亂空向花田憶美人

沈融谷郵示粵中倡和詩却寄二首

為客三年別長隨五嶺遊瘴雲鴻雁避蠻雨鷓鴣愁月

暗榕陰夜霜空荔子秋情親依依陸賈官舍足淹留
聞道丹霞頂幽人採石華手持玉麈尾口吐金蓮花放
鶴青天外還山白日斜與君閒笑咏並坐酌流霞

立秋日發羊城

綠榕三萬樹樹樹挂離愁此地無搖落那知己及秋驛
樓催戍鼓瘴海亂漁籌夜半乘潮發孤篷逐野鷗

王山人詩

爾父前朝俠丈夫散金結士竟捐軀世情誰顧主家客

安字拙符秀水人

田家

數家共一溪
比屋相姻婭
柴扉映修竹
雞鳴落花下

沈貢士騏

騏字鸛山嘉興縣歲貢生

虎丘讌集

勝賞由來吳會偏
高堂不夜燭如椽
東南冠蓋傾三輔
吳越交遊滿四筵
星聚近連牛斗分
鶯求仍值雨花天

目前王謝皆瓊樹觴咏依依似晉年

童秀才申祉

申祉字百旃海鹽縣學生與彭孫貽齊名而詩篇
散秩所見惟孟子詩十章而已

句踐事吳

陣雲初散日沈西銜壁歸來保會稽採葛山頭看狡兔
百花洲上聽晨雞捧心妃子方沈醉嘗膽君臣共慘悽
一曲堂堂歌未歇殘兵已過越來溪

杜陵生蔣平階

平階初名雯階字斧山號大鴻自稱杜陵生華亭人入庠嘉善遊陳子龍之門

國初移居嘉興後徙越中卒其詩摹仿盛唐曾寓書于予云時趨俚俗正響寂寂僕與同郡計子山陽羨陳其年蕭山毛大可錢塘丁藥園輩獨持雅宗環視天下可與言詩者斯人而已忽遇南疑居然同調樂可言耶其持論嚴整如此詩集甚夥予特錄

其寓未諸什亦窺豹之一斑也

重訪法隱開士遂宿上方

本項氏子

旋策叩禪扉非闕問息機相看誇白足憐爾舊烏衣拊
掌家風在攢眉世諦稀伊蒲曾置酒陶令正言歸

訪彥文于魏里

相看猶故友別久似新知薄宦憑君達為農實我師東
郊烽堠緩南陌稻車遲片片飛鳶影銜雲落水湄

范季友邀飲吼山陶氏園

真心無夢不千山溪流四注蓮花巷雉堞平臨楊柳灣
余所居有四蓮花橋又有楊柳灣在舍西百餘步 疎懶未諳邀轍跡席門苔繡

正斑斑

送曾青藜之嶺南

十年曾賦采蕭詩傾蓋匆匆慰夢思擊筑未終燕市夕
鳴鞭又及灞橋時帆收橫浦春應近地接炎洲雪不隨
共說珊瑚枝上好鮫宮待爾一竿垂

欣聞鼙鼓息樓船琛賫遙通漲海天驅馬直過霜雁外

飛杯莫放早梅前二馬高詠多名彥五管靈蹤半列仙
倘遇羅浮倦遊客倡酬應滿鐵橋邊

送胡奇玉之長沙

君山一點望中青天畔長沙應小星此去洞庭秋正好
蘼蕪千里待揚舲

戈叟中顏

中顏字魯公號又度原名湛平湖人遊邑庠善書
工篆刻亦能詩老而無子寒餓以終

和屠我法雙梅詩

寂對難追冰雪經芳聯伯仲翼荒垌風狂骨立沈嵇阮
雨妒香孤泣尹邢接武恥談桃富貴比肩笑慰竹飄零
爭春凍雀喧空谷相顧聊堪影贈形

柯太學弘本

弘本字聿修聳次子由諸生入太學試不遇憔悴
自廢卒年二十有五有鼓應初編

客瑞光精舍重過尉堂大師方丈

今朝少人事重到尉公房野水正趨壑楓林初下霜餐
餘筍蕨供袖拂梅檀香余意亦何托巖前興不忘

春郊

草細風微二月天每從雨後過溪邊春流好待桃花漲
社日初看燕子還楊柳渡頭低夕照麥苗隴外起寒烟
登臨自昔多良會何事空嗟物候遷

沈知州廷勸

廷勸字子相號充齋嘉興人由拔貢歷任新寧縣

使常許其文議論正大絕類宋金華武林王暉云
纏綿感慨極行文之勝事非溢美也

賦得疎雨滴梧桐

金莖受涼雨香井落疎桐
紈扇裁明月裳衣搃晚風
寒生長信殿聲斷未央宮
聞說迎飛燕還應看射熊

聞木樨香

不斷香風十里吹小山
花信故來遲八公顏色無常定
今夜初成招飲詩

楊秀才九垓

九垓字孚九平湖諸生跣脫有俊才而使酒負氣
多蕩談理法外醉輒擲冠於地曰汝誤杜甫一生
今又將誤楊大耶會投汝廁中耳尤好訶罵人勿
顧衆刃之將刺其背也嘗手錄廿一史類纂三百
餘卷工書畫求者必韻人佳客以餽酒為辭則大
喜出之丁巳疾作而歿

偶興

朝來靈雨沐芳塵送盡寒威未見春
寄語梅花應解意隴頭無限折枝人

陳秀才光緯

光緯字緯度號謙山海鹽人許廷子少為張西銘所知上已浮觴與王處卿聯席因摘論漢史數則王遂以女字之女亦能詩光緯讀書敏異天官地理靡不究心尤精壬乙之學其詩名調鐘集

秋日書懷

明月出滄波流光薄雲漢爛爛列宿懸離離夕烟散壯
志思遠遊長歌至夜半迴風谷口來石壁花影亂林間
警露鶴忽振凌雲翰苟懷千里心寧為耳目玩

牆山石帆村

海上行吟憐海樹蜃樓初散餘煙霧石帆山上石帆開
似欲乘風橫海渡相傳此地有村墟萬樹桃花千室居
不知何年海水溢蛟龍鼓浪傾田廬居人一去無消息
雲潮雨汐迷南北初晴海上露枯槎細視街衢猶可識

能字無能嘉善人善之弟詩才亦相伯仲

送呂新水省親永嘉

永嘉山色近何如春日寧親客路迂
花滿江城寒食雨燈明水驛好溪魚
碧帆迴渚仙巖近綵袖趨庭講席餘
可有新詩過謝客錦囊千里慰離居

唐布衣俊

俊字聖翼又字西孟號大千平湖人有石田錄

悼妓李生

鶴湖湖水水潺潺家在橫塘第幾灣
小徑狹斜來往熟朝朝猶憶上鉶山

鄭太學培

培字文溪海鹽人

谿園讌集分得文字

促駕南還日園亭此送君
那知朋好在重與共論文
幔卷通花氣觴飛落暮雲
欲乘餘興往林月正紛紛

又得覃字

河朔觴頻舉山陰興復探朋遊嗟聚散

陳舟石次耕錫
嘗武曹諸子

雲樹影參覃漏轉仍呼酒星稀尚駐驂幾能逢好會書

信寄江潭

謂青士
弟氏

胡秀才采

采字英千平湖縣學生孫紹安康熙丙子舉人

春郊

春色盈芳陌輕風拂水涼山山橫碧影樹樹理新粧
病酒何堪醉吟花只覺香漁歌來和我帶月載歸航

病足偶感

春來嬌鳥喚晴多，憎我蹢躅廢短哦。
小榻坐愁春又老，不知堤柳綠如何。

曹貢士偉謨

偉謨字次典，平湖歲貢生，嘉善人。

謁禹陵

夏王陵墓對塗山，翠輦千秋尚可攀。
松下衣冠留墓地，雲中朝珮想朝班。
靡山有路樵難到，越廟無巢鶴引還。

策杖尋西麓禪林別有天晴巒滴翠雨細竹引紅泉古
佛旋螺頂山僧玉版禪杳然迷出處雲鳥亦蕭然

人日訪秋浦西莊

殘雪初晴鼓枻遲美人春早下書帷居舟居陸張融屋
看水看山謝眺詩萱草上階先愛日荊花繞砌共連枝
東君更助西園興梅放寒香柳放絲

與側室言懷

話到燈殘秋夜長浮沈世外意俱涼生依蘭若身能健

死葬名山骨自香
誓酒劉伶渾似夢
遊山阮肇已成狂
今宵任爾卿卿我
有日清齋學太常

奉謝外父馬公和衷見惠靈壁石

高閣嶙峋片玉存
滿牀書卷濕雲根
自披幽壑莓苔迹
猶帶前朝風雨痕
石不須浮海島移
山仍得傍柴門
從今寄語弘成子
五鹿文章好細論

西山

縹緲峯居衆壑尊
神仙彷彿有劉根
水邊漁市遙傳鼓

花底人家靜掩門黃綺風流猶尚古朱陳生長各成村
鴟夷莫笑生涯拙種樹栽桑細討論

南園竹枝詞

沈郎園裏柳如絲新抽荷葉又田田拾得柳花為儂絮
摘來荷葉當郎錢

響屧廊

響屧荒涼蔓草平空廊無復美人行山僧幾兩芒鞋在
時踏寒巖落葉聲

宮井

故宮金井轆轤斜
汲取軍持供佛茶
素綆銀牀消息斷
石欄夜雨落桐花

雜憶兩首

輕羅小帳半垂鈎
睡鴨熏爐香篆浮
憶得酒闌微醉立
隔窗紅燭照梳頭

芙蓉秋水一扁舟
去住浮萍不自由
憶得赤欄橋上望
喚儂別去喚儂留

下塵千松原與人間斷懶出深山再問人

胡貢士介

介字柳若平湖歲貢生制義之外兼擅吟咏惜其
橐涇沒僅從扇頭錄得一絕亦可想其高懷勝致
矣

書李翰林集後

才可壓宮妃氣能輕宦寺才氣兩無虧先生非大醉

陳訓導昌

昌字漢彬嘉善人龍正孫康熙壬子順天副榜貢
領訓處州雲和

雜詩

秋夜一何長西風清且涼阿閣交重軒雕欄起中央上
有秦氏女所思在朔方朱絃發妙曲窈窕激清商一彈
有餘歎四顧心徬徨徬徨亦何之仰見明月光不惜歲
序晚但恨川無梁同心且離隔苦音誰見詳

關山月

洛水千門月流光滿綺羅
瞳矐懸碧漢潋灩濯金波
遠戍羈樓久空閨悵望多
關山遮不斷夜夜落交河

夜宿松陵

扁舟遙沂五湖流遲日牙
檣阻石尤夜靜松陵城上
月依依清影落寒溝

曹舍人鑑平

鑑平字掌公號桐暘爾堪
子康熙壬子舉人授中書
舍人有南溪集

邯鄲歌

翩翩遊俠兒驅馬邯鄲道直上古叢臺天風吹白草

園居雜咏和錢爾斐先生韻

岑寂似禪關苔堦色漸斑綠濃鷗夢穩紅冷蝶心閒對
酒春秋社論文大小山入林無俗籟長日聽綿蠻

張秀才璠

璠字峒一號須裘平湖人祖正叔先生由鄉薦任
海門令講學著書惜其詩失傳年譜中載有喜聞

冰霜戛戛最初聲老絃咨嗟恨不明調摺柱移意何快
豈堪獨自孤舟聽舟中之人人欲絕繁音將盡意不歇
衣巾夜染空翠深字字落指如何捻一杯一曲逆殘更
一人一影弄烟月紅燭失翦烏啼昏夢霽香尋憾如脫
諸兄固是醉鄉籍觴政忽弛酒無則江風湖雪載滿船
笑談如逢燕趙客

夏晝

閒花每遲落幽鳥不貪啼永晝人無到蒿園路亦迷不

眠嘗却夢觸句苦無題秋近瓜應熟攜歸日又西

夜過東菴溪上

出門遇明月聞寺亦開扉適到清溪上方逢野衲歸波
光搖夜色露氣入秋衣何處捕魚者停橈柳下磯

門外

門外堪長眺攜筇獨立時禽歸烟火樹牛下夕陽陂稍
識清淨理無為世網羈雲山多畫幙句裏學王維

寄柏斯民

天高風急奈秋何野曠扶藜一放歌對客愛吟來句好
尋花喜識老僧多霜搖烏柏臨溪樹船隱蘆汀帶雪蓑
佳節恠從閒裏錯及晴款款又相過

高員外以永

以永字子脩嘉興人康熙癸丑進士閱七年已
未知河南內鄉縣事崇學校招流亡均賦則免
私派戊辰陞山西安州知州禁革陋例歲饑發
常平倉粟以賑州西有白洋淀武弁指為馬廠

地謀奪之堅持不可壬申擢戶部江南司員外
郎以勞勩卒於官年六十有三子孝本辛未成
進士

大水百韻

三吳若棲苴陰陽易為厄巨浸連數州所恃瀦震澤
三萬六千頃上稟咸池液分流入江海紆迴尾閭隔
咎徵一以邁昏墊在往昔徒稱財賦區時見凍餒迫
自非古臺駘安得障溟渤伊余菰蘆中往往念禹迹

瘠女實恣瀕洞鯨吐復鼇擲橫流殺人民獨不畏譴
責須臾天風暮萬里祇一碧返余所棲遲歌枕夢超
忽巍哉接神人而自謂淵客言言似解嘲且復曉水
脈余悉聆其言驚歎有倫脊降割洵非他人事實舛
逆緬懷李唐後水利日齟齬五堰隳金城三江變沙
磧千橋與百潰茅塞殊可惜況自隄為漕湖流受扼
楹諸溪復猥至犇潰勢倉卒區區一綫川何以當克
斤向來徒補苴遣使空絡繹婁江泊白茆橈樺將安

適及今緩修救寢壞益矛戟井稅數百萬能向水濱
索視此利害除奚啻相什伯余悲為此吟豈曰事擴
撫用此監門繪異事同哽結疇將呼號聲旦暮達
丹掖鉅公營便宜芻蕘並財擇揀灾自有要無費馬
與壁治水兼治田施設範先哲莠收成利藪湔剔須
改轍下民敢憚勞其究自安宅縫掖窮巷人當亦手
加額

賦得亭皋木葉下效柳惲

朔風起天末嚴霜改林柯亭臯夕陽入落葉寒聲多正
愁長安道復想洞庭波誰念樓遲子勞勞為此歌

懷江南梅花絕句

朔雲邊月久天涯孤客今朝底自嗟為向空庭問芳信
不禁清夢到梅花

館娃遺構傍巒岼香徑蕭條玉甃寒閒自尋僧看花去
碧山如畫倚闌干

錢塘清境說西溪映水籠雲萬樹齊夢裏移家知向此

故人曾許覓幽棲

江南寒食落花天
滿地平鋪白玉錢
家在鴛鴦湖上住
斷腸春色自年年

顧秀才明傑

明傑字越萬號漁山平湖人
謹厚能文與兄人龍
最友愛後乃留心玄學
反致疾卒

病起訪菊雲亭主人捐館感賦二首

蒲團相對十年親
此日園亭物候新
斷岸空牆迷舊雨

附考在當湖之中上下作石屋狀
其址據湖之最勝處王弇州有記

磐石道人屠敦增

敦增字閭魚平湖人父象美罹難家室流離諸子
貧竄增獨力學能文見重於時然久困場屋康熙
戊午挾策北遊久居燕邸忽索僧龕趺坐作偈語
投筆而逝與予家有姻戚向同下帷者二年嘗自
言前身為張文潛又為磐石道人卒至負才不遇
鬱鬱以死哀哉

同林子白遊沈氏別業復訪古笠上人

探幽遙指翠微中，曲沼橫橋一徑通。
水榭烏啼留倦客，藥欄春盡落殘紅。
鐘聲晚動孤村路，溪色晴翻小燕風。
歸去正多塵外想，故人今在虎溪東。

寄吳方之

江樹雲連碧水隈，離羣懷抱鬱難開。
風塵漸老潘生鬢，痛哭誰收賈傅才。
二月閒愁芳草亂，十年清夢故人來。
親交是處同淪落，短笛淒淒怨落梅。

周掾史紹宗

紹宗字岐陽本姓馬氏繼于姑遂冒周姓海鹽人
繼母病體不屈伸宗負之行盤旋室中日數百回
病以瘳生母居失火宗馳入火排牆負而出少任
俠為掾史久之舍去性喜為詩文有岐陽詩鈔

秋晚宿田父樓

田父有逸思築樓高于桑修竹借于隣古梅蔭于窓蘆
花水邨暮秋蟾上東牆風夜春早稻夢與晨炊香

聞蟋蟀

八月風露涼蟋蟀響空廊不入離人耳安知秋夜長愁
心對落葉淒韻感微霜獨步庭除下徘徊攬素裳

吳秀才同雲

同雲字雲芝平湖庠生

同葉藩臺池館納涼

小閣浮香渚閒襟納晚涼靜觀魚乞餌慵聽樹鳴蜩鑄
劍無良冶攜琴有錦囊凝眸抒客抱天地一滄桑

宿中竺山房

山房當薄暮石壁度微曛溜竹斜通澗懸厓半疊雲鐘聲空外落花氣靜中分醉後憑高枕寒泉徹夜聞

人日馮子近招飲

春來不出戶彼此一相望小飲期人日輕舟過草堂梅花寒未放竹葉煖生香剪燭論文細雞聲徹野塘

報恩塔

塔影凌霄漢登臨得縱觀雲開千岫出潮湧大江寒畫

閣人初起朱門春未殘六朝名勝地今古一憑闌

寄沈客子

別後年華又幾更早傳洛下有才名趨庭時會鳴琴意
倚劍常深懷古情芳草春雲馳馬地梧桐秋雨讀書聲
相逢把臂思何極樽酒天涯見月明

閨中曲

妾家江口第三灣夫婿從征在玉關最恨鷓鴣沙上鳥
早潮飛去暮飛還

朱官生茂昉

茂昉字子葆秀水人承父司寇大啟蔭好結客所
居山樓四方名士多宴集其中

九日

節物驚心感歲華籬邊叢菊自開花關河冷落低殘樹
故國淒涼久種瓜風景已隨人世換茱萸猶傍酒杯賒
天邊鴻雁歸飛急客子衣單何處誇

馬秀才上巘

上嶽字雪偁號銀塘嘉興縣學生有聲文社子壽穀康熙壬戌進士著有詩法火傳左右編行世

弔冢宰徐寶摩公

六月霜飛重冰心凜獨生簡青原可作喋血矢誰爭夢已江山改靈還社稷撐千年徐穉廟共仰畫溪名

公里名畫

水

馮秀才元白

元白字匏慙平湖庠生有則鳴刺業

一去緬夷不復返曾聞就義死從容至今傳說多哀輓
聽君說罷涕交流一門盡節真難求三百年來事銷歇
却恨當時沙定州獨倚繩牀三太息珠斗闌干月將入
篝燈黯黯不能眠清夜如聞鬼神泣

遊牛首山長句

秣陵佳山數牛首石窟從古巢神仙晉時更名曰天闕
山圖尺楮搜陳編夙宵掛夢脚或跨醒望翠壑仍茫然
主人好事約俱往上冬日煖同春妍巾輞對對畫杠插

樗馬匹匹紅韉牽毳袍茸帽十數輩皆云良遊詩作緣
吳鞋新蠟瘦僮挈到彼著此登臨便城門老兵纔啟鑰
萬閨未動朝厨烟踏霜南嚮三十里已見嵐彩流蒼巔
藤垣蘚嶂裏花剝徑轉目豁朱甍連苔井欄壞冷泉咽
塵廊葉積殘碑眠遼王肥字斗樣大寺額剝落金泥鮮
槁顏衲子衫右袒以手抱杖揖客前傍指冬青銀印樹
為言植自隋唐年斲石排梯百八級上俯樓閣香楠椽
信女剪綵繭花活佛餅分供青紅蓮拓牕四眺野蕭瑟

村村苦潦荒秋田清齋無糧飯不足咄嗟能辦伊蒲筵
蒸壺狀類鴨垂頸煮菜味勝氣切肩祇愁不飲興未劇
瓢酷催買拋囊錢會須乘醉探竊洞乳水滴衣珠顆圓
兜率古崖勢陡絕心懾屐溜飛蘿牽蓬菴僧難習梵呪
隔林遙聽疑琴絃倚筇更陟兩峯頂芙蓉翠削東西偏
中道似借五丁鑿可使射騎馳控弦老松伐完穉松矮
綠梢僅到雙眉邊重攜酒榼坐就地璣瑜橫陳雜錦韞
祖堂車府皆在下長干塔小但一鞭大江微茫潮影白

風帆可數不見船朱雀門開恰遙對舊築御道通平平
相傳宋齊梁陳代于此除墀郊南天太息當時翠華路
付與蔓草薺薺穿辟支孟鉢已灰燼休問寶公履舄全
建炎之初駐大將曾棲帶甲人三千荆榛瓦 覆戰壘
得無折戟埋沙塹越客登覽意雖愜其奈弔往哀思填
那能置身聞見外檀龕趺膝叅枯禪不爾便著逍遙服
茹芝餐花學倭倭山花灼灼草芊芊好景須待春風顛
且提倦轡下山去他日重來聽杜鵑

小山勢亦銳登歷無十重草木覆其巔陰映龍神宮老
屋支獨木傾石走長松諸天既剝落百身莓苔封當牖
雜花草垣牆趨陰蟲山坳藏土穴洩雲如鴻濛旁有十
數椽兀坐一老翁見客即長揖問我來何從答云自鹽
官還向東園中間翁此何地遠近無人蹤翁言難具陳
往者人民豐茲宮初構時裡祀盛村農椎牛宰肥羊珍
錯山海充旗旂耀五采簫鼓鳴三冬紅裙曳婦女綵髻
挽兒童千家富甘脆百室殷朽紅一朝桑海變世事如

轉蓬自西迄卯辰盜賊恣斤衝其初掠黃金傾橐亦不
容次及雞犬豕釜甑時一空婦女載後船丁男陷其胸
草木雜鋒鏑雉兔悲榛叢及乎剪渠魁走險勢則窮良
民亦罹禍餘殃告灾凶從此無孑遺流離各西東所以
神乏祀血食難再崇我寧守茲宇偷生實罷癯我聞三
太息此事由蒼穹陽九與百六沴氣生戰攻塗炭良已
久劫運當有終

真人應運出車書今大同努力爾自愛醴化方冲融

當窗織

側側復力力東家少女西家織高堂阿母苦相催三日
當窗斷五匹徒言織作衣未成秋風一夜蜻蛉鳴

海上夕望

杖策憑高望愁心正未央天寒來鸛鶴日落見牛羊海
縣鮫人雜川原獵騎長無為傷遠道鄉淚獨霑裳

夜起

旅館雞聲報空堂客思侵江邨明遠火山雨滴高林舊

事飢寒在新愁戰伐深乾坤正搖落把酒一沈吟

渡浙江別陸處士圻

悽惻臨歧路蒼黃對遠天春風官舍柳暮雨石林烟
檣燕來還去山雲斷復連今宵何處泊愁坐扣離舷

李秋月夜書懷十八韻

滄海生明月憑高欲問天詩書塵滿積事業鏡虛圓
失策哀羣盜藏身愧昔賢世情真鹵莽吾道竟沈緜
素螳難消恨金丹不駐年放歌成漫興儒術索真詮
屈辱寧

石頭城下雨參差

李中翰榮昌

榮昌字琪園桐鄉人海鹽籍由貢生考授中書有

觀成堂詩草

春暮

幽牕風雨過好景暗蹉跎
老樹啼黃鳥新荷點綠波
興緣春去少詩為惜花多
俯仰增愁思憑闌縱短歌

懷太學應聘

應聘字萃臯嘉興人太學生

武林旅中汪崑厓金支皇汪蒼舒程奕先江海

瀾汪子四諸子過訪

西冷山水窟烟雲饒恢奇翠羽巢芳林紫萍漲華池軒車過
蘭坂飛蓋相追馳廣坐集羣賢染翰抒麗辭既笑枚臯拙或
悲相如遲顧念旅遊子被褐懷所知慷慨成篇章河梁有餘
思徒蒙和氏盼愧乏連城姿謝去不復顧聞問安可期

徐秀才然

然字撫辰嘉興諸生

山行

曲逕遶清川
溪花滿目前
懸厓青著雨
峭石碧摩天
玉冷千層月
銀飛百道泉
籃輿經古路
樵牧自悠然

屠秀才廷楫

廷楫字爾際號東蒙嘉興縣學生
兵後棄去詩酒
自娛而以農桑督諸子
余嘗過白蓮僧大梅山房
見其與周青士倡和詩數丈之卷
盈二皆清真可

誦著有鹿干草堂集十二卷藏于家

自題荷鋤圖

匪種豐矣秉此安揮
花源塞矣荷此安歸
中田有敝廬兮至
斁有短衣勉旃保汝
鋤兮離汝於寒飢


野步

微靄銷澄嵐秋容淡
林莽蕭蕭北原下遙
挹西山爽遊目信芒
屨興到每獨往地偏
難犬寂農暇機杼響
落葉靜不飛平川約
如掌雲物窮壯觀彌
覺天宇廣談笑洽

寄語山靈莫相笑廿年吾已謝浮名

秋日飲天香閣下感誦帚

東蒙至處糟丘峙誦帚亡來筆冢空九地詩魂呼不起
一樽玄對與誰同雨餘桂粟猶飄霧晝冷松髯自鼓風
老去賞音夔曠盡倚闌細數北來鴻



樵李詩繫卷二十八